

U pretresu pronađeno i oduzeto oko 1,6 kg „amfetamina - speeda“

17.03.2017 15:23



Dana, 16.03.2017.godine policijski službenici Uprave policije MUP-a TK-a (Odjeljenje za borbu protiv zloupotrebe opojnih droga u saradnji sa OKP PS Banovići i OKP PS Srebrenik) su postupajući po Naredbi Općinskog suda u Banovićima izvršili pretres stambenog i drugih objekata i vozila na području općine Banovići koje koristi A.H., rođen 1979.godine iz Banovića.

Tokom pretresa, pronađena je i privremeno oduzeta opojna droga „amfetamin speed“ ukupne količine cca. 1600 grama i digitalna vaga.

Nad A.H. je u službenim prostorijama izvršena kriminalistička obrada, zbog postojanja osnova sumnje da je počinio krivično djelo Neovlaštena proizvodnja i stavljanje u promet opojnih droga iz člana 238. stav 1. Krivičnog zakona FBiH.

Nakon vještačenja pronađene materije i kriminalističke obrade, A.H. je danas (17.03.2017.godine) uz Izvještaj o učinjenom krivičnom djelu predat postupajućem tužiocu Kantonalnog tužilaštva Tuzlanskog kantona na dalje postupanje.

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>